



ERETUNOTO NAINGVAA SHUMATA

**Naiturrurruo
Watson Goodman**

Naishoori Pesho Nememiri

ERETOTO NAINGUA SHUMATA

“ERETOTO NAINGUA SHUMATA” aa ninye esototo olkigerot le Nkai oingva olningo leNkai. Aoa'a eNkirukoto na dede iatva ilkigerot naa ninye Biblia openy.

Eingua ororei le nkai shumata haa keeta eretoto loto toldaoja oota esumash wenkure te Siadi. Ove pee eisivai oltungani nepal ingok. Nengamaa Yesu Kristo metoto na tiatwa oltau lenye Neivuk tiatwa oltao lenye pooke Yesu araa olaitajeunoui lenye naa keibalvnye Yesu kewan le dukukaya ninye neiput emonyani osotva atwa iltavja lolaivukoni voh ataiyiolo ele rovei to lavi le 1937 neitu agil enchula ai tenebo olaitoviani aomon entangamai Yesu metaa olaitajeunoni woni liuyi taata teneitu ingamaa. —Watson Goodman

Ilroman 5:8

Amu eibalunyie engAi enyorata te iyok natonyora, amu orae apa eton kiata iñgok, neāa Jesu engaraki añg.

Johana 13:1

Ore te dokoya siku kuu e Pasaka, netaiyolo Jesu injere etabaua engata nalotie aiñgwaa ena 'gop alo enetii Papa, netonyora lelo lenyena otii engop, netonyora ninje metabaike engitiñgoto.

Embolunoto 1:5

Neiñgwaa Jesu Kristo shakeni osepa, naa olkikau lo 'lotuata, na olkitok lo 'laigwenak le 'ngop.

Ninye otonyora iyok, nelako iyok to 'sarge lenye matuñgwai ingok añg.

Johana 3:16

Amu etonyora engAi engop, neishorua engesai enye nabo, ore oloiruk poki nemeimin, naketum engishon nemeitiñg.

I. Johana 4:8, 9

Ore olemenyor nemeiyolo engAi; amu engAi enyorata. Ti atwa ele 'rorei, eibalunyeki enyorata engAi ti atwa iyok, injere eiriwa engAi enGesai enye nabo engop, pe kitum atopok te ninye.

I. Timoteo 3:16

Na ororei le 'meshangarai ilimot esiai e 'ngAi kitok oliñg, ninye oloitadua iyok to 'sesen, neako ninye 'sinyati to 'ltau, nedol ilma-laika ninye elikiori ti atwa iloshon, neiruki te 'ngop neñgama-re te shumata.

Matayo 1:22, 23

Neidipaiyu nena poki pe etum atabai natejo olAitoriani te 'ngutuk o 'lAitoriani pe ejo, Engorai, amu kenotaiyu endito, naa keiu engaiyoni, naa kaiboti ninye engarn enye, ajo Imanueli, laa ten eibalunyieki injere eboita engAi iyok.

Johana 14:9, 10a

Nejoki Jesu ninye, Kaboitare endai ena 'kata poki, nimikiyolo iye, Filipino? Ore olotadua nanu netadua ninye Papa: ainyo pe itejo, intadua iyok Papa? Aimiruk injere atii nanu atwa Papa, netii Papa atwa nanu?

Johana 1:1, 14

Te 'ngiterunoto etii ororei, ore ele 'rorei naa te nebo engAi, na engAi ele 'rorei... Ore ororei neitobiraki to 'sesen, oitayoki ti atwa iyok, (nikitadua iyok engolon enye, engolon olotoiwoki openy oiñgwaa Papa), obore isupati o isepat.

I. Johana 4:15

Ore poki oibalunye injere enGerai e 'ngAi Jesu, neton engAi ti atwa ninye, netii sii ninye atwa engAi.

Kolosai 2:9

Amu eton emborei poki engAisho engaraki osesen.

Matayo 8:29

Neishir ninje lelo, ajo, ainyo kiataye iyok iye, enGerai e 'ngAi? Aa ilotu aidekie iyok, eton eñgor engata?

Luka 1:35

Neñgamaa olmalaika, nejoki ninye, olTau Sinyati olotu shumata

iye, nikintoip engolon olotii shumata; ore ina 'toki Sinyati uoiv, neiboti ajo enGerai e 'ngAi.

Matayo 17:5

Ore eton eiro, nelotu engatamboi naibor apik ninje oloip, nelotu oltoilo oiñgwaa engatamboi ojo, Ele enGerai ai nanyor, nashipa te ninye, entoniñg ninye.

Johana 10:36, 37

Ijojo endai ninye, oloitesenya Papa, neireo meuo engop, niki-jokiki endai kadek: engaraki natejo, Ara enGerai e 'ngAi? Ten eito aas esiai e Papa, anata mikirukuru.

Johana 8:23

Nejoki ninye ninje, irara endai il e abori; nara nanu ol e shumata; irara endai il e ena 'gop; nemara nanu ol e ena 'gop.

Johana 6:35

Nejoki Jesu ninje ara nanu emukati e 'mbuan; ore ololotu enatii nemetum esumash katugul; ore elde lairuk nemetum engure to 'wejitin poki.

Johana 8:58

Nejoki Jesu ninye, Esepa, ese-pa, ajoki endai, te dokoya meatai Ibrahimu, naatai nanu.

Johana 11:25

Nejoki Jesu ninye, ara nanu empiunoto, nara embuan; ore elde

lairuk nanu, ten aa ketua, naa keishu.

Johana 13:13

Nikijojo endai, olKitok, olAitoriani; nitejo enasepa; amu ara.

Johana 9:5

Ore eton atii engop, ara ewaŋgan engop.

Johana 10:7

Neitoki Jesu ajoki ninje kat are, Esepa, ese-pa, ajoki endai, nanu otii gishomi o 'ndare.

Johana 4:25, 26

Nejoki engitok ninye, aiyolo injere elotu Masia, oji Kristo; ore ten elotu, neliki iyok imbaa poki. Nejoki Jesu ninye, nanu doi ele lairorie, ilo.

Matayo 14:19-21

Nejoki olorora metotona to 'ngojit nanyore; nedum nena 'mukatini imiet, o isingir e are, neiñgor shumata, nemaiyan, ore pe eidip ategela nena 'mukatini, neisho ilkipaareta lenyena, neisho ilkipaareta olorora. Neinos poki neraposho, nedumu ilmoñgoishi lo 'ngelat, iltutwa tomon o are obore. Ore iloinosa nera iip imiet katitin tomon, ilewa, metii ingituak o ingera.

Luka 5:5, 6

Neñgamaa Simon ajoki ninye, olAitoriani, kitema duo enkewarie poki, neito kitum 'toki; kaki to 'rorei lino aitadoiyo ereshet.

Ore pe eidip ataas ninje kuna, nejiñg olorora lo 'singir ereshet lenye; metaa kebolosa.

Matayo 20:30, 34

Naa nelolo iltuñgana o are, otoni te 'mbata e 'ngoitoi, ore pe eniñg injere Jesu ilo ogiroo te ine, neishir ajo olAitoriani tokordu iyok enGerai e Daudi... Neiñgorie Jesu neishoroo ingonyek enye, nedolishoyu te ina kata, nesuj ninye.

Matayo 12:22

Nerikokini ina kata oltuñgani oata oloirirua, na modooni nemeiro: neishuinye meiroro ilo lemeiro, nedolishoyu ilo nemedol.

Ilroman 14:9

Amu ore enikitumie ele 'rorei etua Kristo, neitoki apiu, pe eako il o 'lAitoriani il o tuata o il oishu.

Johana 1:3

Neitobiraki indokitin poki te ninye; na ten eme ninye anata metii endoki nabo naitobiraki.

Kolosai 1:16

Amu te ninye eitobiraki indokitin poki, natii shumata, o natii engop, natio o nemelio, ten aa oloriga, ana ingitanapat, ana enaitoreisho, ana engolon: indokitin poki eitobiraki te 'ngalo enye, o engaraki ninye.

Ilhebrania 1:2

ENGAI, . . . Ore te kuna 'oloŋgi e siedi, neirorie ninye iyok ti atwa enGerai enye, oitorioko ninye enjuŋgoto o 'ndokitin poki, naa ti atwa ninye eitobiraki sii engop.

Eiasat 2:36

Enjoo iltuŋgana poki le 'ngaji o Israeli metaiyolo oliŋg, injere etaa engAi, Jesu elde lililito, ninye olAitoriani o Kristo.

I. Ilkorinsio 1:9

EngAi nasepa, naiboto endai entejiŋg enjola enGerai enye Jesu Kristo, olAitoriani laŋg.

YESU OLAIGWEMAUII LEPOOKI

7

Ilroman 14:10

Naa ainyo pe iñgwenare iye olalashé lino? ana ainyo pe ime-naa iye olalashé lino? amu kintashé iyok poki te dokoya oloriga le 'ngigwana le 'ngAi.

Matayo 25:32

Neitururokino ninye iloshon poki dokoya ninye, negel ninye ninje anaa oljogut agelo indare aituñgwaa ingineji.

II. Timoteo 4:1

Aitanapa iye te 'dokoya engAi, o te 'dokoya Jesu Kristo, amu ninye oigwenare iloishu o ilotuata te 'ngipañgakinoto engarsishi enye.

Johana 5:22

Amu meigwenare Papa oltuñgani kaki eishoo engigwana poki engerai.

Ilroman 2:16

Te ina 'oloñg keigwenare engAi ingorat oltuñgani te risioroto oro-rei lai supat te Jesu Kristo.

Eiasat 10:42

Neitanap iyok matoliki iltuñgana, o shakeni injere ninye etepika engAi pe eigwenare iloishu o ilotuata.

Luka 3:17

Ore injiet natii engaina enye, neor oliñg engop, nesotu endaa apik olale; Ore isuit nepej te nebo engima nemāa.

Johana 10:9

Nanu gishomi; ore oltuñgani oiyou nejiñg te nanu, nejeu, nejiñg ninye atwa nepuku 'boo, netum engereta.

Johana 14:6

Nejoki Jesu ninye, Ara nanu engoitoi, o esepat o engishon; metii oltuñgani olotu enetii Papa, me nanu eiruko.

Ilhebrania 5:9

Neidipi atabai, neako oloitisip enjeunoto o indarasi te lelo poki oniñg ninye.

Ilhebrania 7:25

Engaraki e nena eidim ninye aitajeu oliñg lelo opwo enetii

engAi ten eimaa ninye, amu eishu ninye indarasi netum ato monoki ninje.

Johana 8:24

Ajoki endai, aiyeye ti atwa iñgok inyi, amu ten eito irukuru-ku injere nanu ele, niayeye ti atwa iñgok inyi.

Eiasat 4:12

Nemetii enjeunoto dekai 'weji; nemetii ai 'arna ti abori shumata naishooki ti atwa iltuñgana, niki-ndim atajeunye.

I. Sesaloniki 5:9

Amu eito eitorioki iyok engAi engoro, kaki pe kitum enjeunoto lo 'lAitoriani lañg Jesu Kristo.

Kolosai 1:12-14

Enjoo enashe Papa, oitutumo iyok matasholata te 'njuṅgore o 'sinyat ti atwa ewaṅgan: Otalakwa iyok matungwai engolon enaimin, neibelegenyaka iyok engarsisisho enGerai enye kero-tet: Naa te ninye kiata iyok elakunoto ti atwa osarge lenye, o embalakinoto o 'ṅgok aṅg.

Luka 19:10

Amu euo enGerai o 'ltuṅgani aiṅgoro neitajeu ilomina.

I. Ilkorinsio 1:30

Kaki ore endai ora le Jesu Kristo, oitaki te iyok eṅgeno, naiṅgwaa engAi o sepat o esi-nyatisho, o elakunoto.

Tito 2:14

Oishorua kewan engaraki iyok, pe elaku iyok, to 'ndorok poki, neituku iltuṅgana lenyena, metaa iloiyou aiṅgoro esiai 'supat.

Embolunoto 5:9

Osingolio eṅgejuk oranye ajo, Kenarikino iye nibol ina 'buku, ni-waṅgie irorei lenyena: amu kite-yaṅgaki, ninyiaṅgaki engAi to 'sarge lino, iltuṅgana oiṅgwaa iloshon poki, o ilṅgejepa o 'lorere o 'ngwapi poki.

Ilgalatia 3:13

Etalakwa iyok Kristo ti atwa oldeket lo 'ngitanapat, nedeki te iyok: amu etisiraki neji, Etediaki oltuṅgani poki oililioki to 'ljani.

10 ENKIGWANA TO SARGE LE YESU

Ilroman 5:9

Amu elusoo taata eidipaki aisho iyok isupati, engaraki osarge lenye neitajeuni iyok te idia 'goro e 'ngAi, engaraki ninye.

I. Johana 1:7

Kaki tin ikipwo iyok te wañgan anaa ewañgan natii ninye, nikiata iyok enjola ti atwa aate, neituku iyok osarge le Jesu enGerai enye, matuñgwai iñgok poki.

I. Petero 1:18, 19

Niyolouu injere eito elakuni endai to 'ndokitin naruoyo, anaa rupiani ana sahabu, naiñgwaa imbaa e 'ngishon e pesho naisho endai ilominyi linyi; Kaki to 'sarge ogol le Kristo otiu anaa oliguo

lemeata endioto lemeata engitaruoroto.

Efeso 1:7

Injere ninye kinotie elakunoto ti atwaa osarge lenye, embalakinoto o 'ngop te 'risioroto engarsisisho emunyani.

Matayo 26:28

Amu osarge lai ele lo 'lniño oibugoioki to 'lkumok te 'mpalakinoto o 'ñgok.

Ilhebrania 9:14

Naa kelusoo abaa ilo 'sarge le Kristo, injere, to 'regie lo 'lTau lo 'ndarasi, oitaiyu kewan metii endioto aisho engAi, keituku indamunoto inyi metuñgwai esiai e 'ngāa, meisiaia engAi naishu?

Efeso 2:8, 9

Amu te 'munyani itajeutuo endai ti atwa engirukoto: neme endai maate: engishorunoto e 'ngAi. Neme te 'siai, eminjo oltuñgani meisisi.

Ilroman 5:1

Amu ten aidipaki aikena iyok injere kiata isupati engaraki engirukoto añg, emanoto osotua te 'ngAi to 'lAitoriani lañg, Jesu Kristo.

Ilgalatia 5:6

Ti atwa Jesu Kristo ime olomurati ana olememurati ora 'toki kaki engirukoto naitaiyo esiai te nebo enyorata.

I. Johana 5:4

Amu ore olotoiuoki te 'ngAi nemir engop; naa ena emirata namir engop, ninye engirukoto añg.

Johana 20:31

Kaki etesiraki kuna pe iye irukuruku endai injere Jesu ninye Kristo, enGerai e 'ngAi; na tin irukuruku niatata engishon ti atwa engarn enye.

Johana 6:28, 29

Nejoki ninje ninye, kaji kiñgu, pe kitum aisiaia e 'ngAi? Neñgamaa Jesu nejoki ninje, Ena ninye, esiai 'ngAi, tin irukuruku endai oloiriwaa.

Emaiyani engAi naa ninye Papa lo 'lAitoriani Jesu Kristo, Papa le 'nkordunoto, o engAi o le 'ngilejelejata. —II. Ilkorinsio 1:3

Ilhebrania 4:16

Emaietu iyok te 'mpijan oloriga le 'ngigwana, pe kitum iyok enkordunoto, nikitum emunyani o eretoto te 'ngata nanare.

Matayo 18:11-14

Amu kelotu enGerai o 'ltuñgani aiñgoru ena naimena. Ai ijojo endai aa? ten eata oltuñgani indare iip, naa ten eimen nabo, ai meiñgwaa ninye intomoni naudo o naudo, alo ildoinyo aiñgoro ina naimena? Naa ten aa netum ninye, nesepe ajoki endai, eshe-

pakino ninye oliñg alañg nena intomoni naudo o naudo neito eimin. Naimin neija sii etiu Minyi linyi otii shumata, te kuna kutiti ten eimin.

Tito 3:5

Me te 'siai sidai, nikitaasa iyok, kaki eitajeuoki iyok te 'nkordunot enyena neitukui te 'inoto ñgejuk, o te 'ngitobira eñgejuko olTau 'Sinyat.

I. Petero 1:3

Etamaiyanaki engAi Menye lo 'lAitoriani lañg Jesu Kristo, laa te 'risioroto e 'nkordunoto enye sapok etoiuo iyok ae toki, metabaik iosiligi oishu te 'mpiunoto e Jesu Kristo eiñgwaa engãa.

EPOT ENKAI IYOOK PEE KIPVO ENETIINIMYE 13 NINYE

Matayo 11:28

Wotu enatii, endai poki oasisiho, niata ililon oiroishi, pe aieñgeñgie endai.

II. Ilkorinsio 5:20

Mataa olkilikwai te Jesu, ti atwa engAi, nasai endai ti atwa iyok; kisai iyok endai ti atwa Kristo, pe eigwenini endai enetii engAi.

Embolunoto 22:17

Ejo ilo 'Tau, o ina 'siangiki narikori, Wou, Ore ilo aning najoki, Wou, Ore elde oata engure injoo meeuo, ore oloiyou injoo meibunga engare e 'mbuan pesho.

Johana 7:37

Ore te 'ngoloñg e siedi, naa siku kuu sapok, neitashe Jesu nebuak, ajo, ten eata oltuñgani engure, nelotu enatii, aokisho.

Luka 14:17

Neiriwa osinga lenye metiagi lekwa oibotoki etabaua engata e teiba nainosieki endaa, wotu; amu eidipate indokitin poki taata.

II. Timoteo 1:9

Oitajeu iyok, nepik iyok ingi-bototo nasinyai neme engaraki esiai añg, kaki engarki esiai enye o osupat, naishoo iyok ti atwa Jesu Kristo te 'dokoya engata engiti-ñgoto.

14 IME ILTUNGANA POOKI INKERA ENKAI

I. Johana 3:10

Engaraki ilo 'rorei neibalunye ingera e 'ngAi, o ingera e Shetani; ore poki 'tungani lemeas isupati eme ol e 'ngAi, naa neiya etiu sii elde lemenyor olalashē lenye.

Ilroman 8:14, 15

Amu ore lelo poki otoriko olTau, le 'ngAi ninje ingera e 'ngAi. Amu eito eŋgamaa endai oltau le 'siŋgaisho oiurisho, kaki itaŋgamaite olTau le 'nyoraroto, injere irara ingera inot, naa injere te ina kinjir Abba Papa.

Afilipi 2:15

Pe iakoko ingera e 'ngAi 'ne-meata endioto, ana esungureisho nemetii embuakinoto ti atwa

eishoi naimina otupukuo injere ti atwa lelo nilioyuyu atii anaa iloas ewaŋgan engop.

II. Ilkorinsio 6:17, 18

Engaraki ilo 'rorei entupuku ti atwa ninje, neorunyenyē endai, etejo olAitoriani, nimishoroo endoki nemesinya; naa kaŋgamaa endai. Naa kaako nanu minye linyi, niakoko endai ilaiyok lainai o indoie, etejo olAitoriani oata engolon poki.

Johana 1:12

Kaki ilkumok oŋgamaa ninye, neisho ninje engolon pe eako ingera e 'ngAi, ninje lelo poki oiruk te 'ngarn enye.

Luka 21:34

Enteñgenuoto endai maate, pe meiminie endai imbaa enginosata o in e 'mirai o in e 'nyamali, ena 'gishon meinepu endai ina 'oloñg miyololo anaa oreshet.

Ilgalatia 5:19-21

Kaki eibolo isiaitin o 'sesen naa kuna: eloloito, iloiririoni, enduaran, olñgejepa, Olomonoto, e 'gulie 'dokitin neme engAi o esakutore o emañgatisho o engitanyamalisho olom, o engoro o enjañgar o emiñgano o esunguresho, O ingwarata, o enarare emerai o 'mbaa osingolio o 'gulie: naijo nena nekwa natolikio endai te 'dokoya, naidipa sii atoliki endai

apa 'ae kata, injere ore lelo oas imbaa naijo nena mejiñg engarsisisho e 'ngAi.

Ilroman 13:13, 14

Emabe kiñgok aate aitobirari te 'ndama, neme te 'ranyata osiñgolitin torok e 'merai, neme te 'loloito, o to 'lkikainit, neme te 'njañgar o to 'lom. Kaki enjopo olAitoriani Jesu Kristo, nimintobirara to 'seseni, aitabaiya ingwarat enyena.

Luka 1:15

Amu keako ninye kitok te dokoya olAitoriani, nemeok enaisho; Neiput ninye olTau Sinyati, o te 'ngoshoke e 'ñgotonye.

Matayo 22:37, 38

Nejoki ninye, tonyora olAitori-ani engAi ino to 'ltau lino poki, o te 'ngishiu ino poki, o te n̄geno ino poki. Ena engitanapata sapok e dokoya.

Marko 10:17-22

Ore pe eipuñgoki engoitoi, nekwetiki obo 'tuñgani, negilaki kuñg, neikilikwan, olKitok supat, kaji aiko pa atum atujuñgo engishon nemeitiñg. Nejoki Jesu: Ainyo pe kijo supat? Metii osupat, neme obo aki, naa engAi. Iyolo ingitanapat, Mürisho, Miki-mboru oñgu, Mim 'purisho, Mintaniki elejare, Miuapisho, Injoo

enganyit minyi o eñgotonyi. Nejoki, olKitok, aibunga apa kuna ara 'oti. Ore pe eiñgor Jesu, nenyoru, nejoki, Obo likitoñgorikia: inno, timira iniata poki, pe injo ilaisinak; amu imbuñgu imasaa kumok te keper: nikilotu asuju. Neshuk engomom te ilo 'rorei, nelo eata ilkiyo; amu eata imasaa kumok.

I. Johana 5:11, 12

Naa ena shakeni injere, eishoo iyok engAi engishon nemeitiñg, ore ena 'gishon ti atwa enGerai enye. Ore elde oata enGerai e 'ngAi, neata engishon nemeitiñg; ore elde lemeata enGerai e 'ngAi nemeata engishon.

Efeso 5:6

Niminjoshō oltuñgani meteleja endai to 'rorei le pesho: amu ore engaraki e kuna 'baa elotu engoro e' ngAi shumata o 'ngera olemei-ruk.

Ilgalatia 6:3

Amu ten edamu oltuñgani kewan ajo kaai toki, nemi 'toki, ninye kewan elej.

I. Ilkorinsio 6:9, 10

Ai miyololo ajo mejuñg iltorok engarsisisho e 'ngAi? Emeleja lololoito anaa loomon gulye 'dokitn neme engAi, ana loibor onyek ana lo 'ñgoruo ana lo 'sokorisho, Ana lo 'purisho, ana lo 'ñgwar, ana lo

'mera, ana lo 'morisho, ana lo 'ikonyisho mejuñg ninje engarsisisho e 'ngAi.

Jakobo 1:22

Niakoko ilasak lo 'mbaa, eme ilaniñgok aki, nilejileji aate.

Matayo 24:5

Amu kepwonu ilkumok te 'ngarna ai ojo, Nanu Kristo, neiminie iltuñgana kumok.

I. Johana 3:7, 8a

Ingera ainai kutiti, eminjoo oltuñgani metoriko endai aiminie; ore elde oas isupati, ninye osupat, anaa, ninye aa supat. Ore elde oas iñgok naa ol e Shetani; amu eas Shetani iñgok apa te 'ngiterunoto.

Ilroman 5:12

Engaraki e nena, anaa enaiku-nono injere to 'regie lo 'ltuñgani obo, etejiñgie iñgok e 'ngop, engãa sii te ilo 'regie lo 'ñgok; anaa ena 'gãa nanoto iltuñgana poki, amu etasa iñgok poki.

Jakobo 1:15

Ore pe eidip nena 'dokitin nai-you, aibuñga indona neiu iñgok, ore iñgok pe eishunye neiu engãa.

Embolunoto 21:8

Kaki ore ilourisho, o lelo lemei-ruk, oloisho osina, olarak, ololo-loito, olosakutisho, olomon iloipi leme e 'ngAi, olaimongak, ore ilo

'turuk olbalbal le 'ngima epwo, naa kibiriti ninye e 'ngãa e kat are.

Ilroman 8:6

Amu ten edamu in o 'sesen naa engãa, na ten edamu in o 'lTau naa engishon o osotua.

Ilroman 6:21

Ama ina 'kata kakwa 'nganaiyo iatata ti atwa nena 'baa, naa ninje einosie endai 'anyit taata? amu ore engitiñgoto e nena 'baa naa engãa.

Luka 15:32

Enare tin ikiata eñgeda; amu olalasho lino ele otua, nenyaka apiu; neimina nikinyakita atum.

Luka 7:14, 15a

Nelotu ninye neshoru endoki nanapieki; neitashe ilonapita ninye aitereñga. Nejo ninye, olbarnoti, ajoki iye, inyo. Neinyototo elde otua aton, neñgas aito.

Johana 5:21

Anaa ten eitopiu Papa ilotuata, aisho ninje engishon; naa keisho enGerai engishon lelo oiyou neisho.

Johana 11:43, 44

Ore pe ejo ninye nejia, nebuak ninye to 'ltoilo sapok, ajo, Lazaro, tupuku boo. Nepuku ledoto otua, neana ingaik o ingejek to 'ngelani

nanukarieki iltuñgana; neana engomon enye te 'ngarasha. Nejoki Jesu ninje, Intalak, pe injo-sho meshumo.

Embolunoto 1:18

Ara oloishu taata, nara olotua apa; Iñgorai aishu indaras o indaras, Esai; naata embolet en e 'weji e 'ngima o engãa.

Johana 10:17, 18

Kanyor nanu Papa, amu airagie engishon ai, naitoki aitaiyu. Metii oltuñgani laoru engishon ai, kaki airagie nanu openy. Aata engolon nairagie makewan, naata engolon naitoki aitainye. Ore ena 'gitanapata Papa laishoo.

Johana 13:34

Aishoo endai engitanapata engejuk, pe enyoru olekai olekai; anaa anatologyora nanu endai, enare sii ninyorunono endai ti atwa.

Marko 10:17-21

Ore pe eipuñgoki engoitoi, nekwetiki obo' tuñgani, negilaki kuñg, neikilikwan, olKitok supat, kaji aiko pa atum atuju-ñgo engishon nemeitiñg. Nejoki Jesu: Ainyo pe kijo supat? Metii osupat, neme obo aki, naa engAi. Iyolo ingitanapat, Miirisho, Mikimboru oñgu, Mim 'purisho, Mintaniki elejare, Mi-uapisho, Injoo engayit minyi o

eñgotonyi. Nejoki, olKitok, ai-bunga apa kuna ara 'oti. Ore pe eiñgor Jesu, nenyoru, nejoki, Obo likitoñgorikia: inno, timira iniata poki, pe injo ilaisinak; amu imbuñgu imasaa kumok te ke-per: nikilotu asuju.

OlKitok kaa engitanapat kitok to 'ngitanapat? Nejoki ninye, tonyora olAitoriani engAi ino to 'ltau lino poki, o te 'ngishiu ino poki, o te ñgeno ino poki. Ena engitanapata sapok e dokoya. Ore en e are nanyanyuki ena, tonyora olekai anaa kewan. Ore kuna 'gitanapat pokirare, etimitutua ingitanapat poki o in o 'laidetedetak. —Matayo 22:36-40

I. Ilkorinsio 4:5

Engaraki e ina emiñgwenare endai aitoki te 'dokoya, metabana nelotu olAitoriani oiyau ewañgan inaisudoro natii enaimin, neibalunye ingigwanat o 'ltauja; netum oltuñgani poki engisisa enye eiñgwaa engAi.

Eiasat 17:24-28

Ninye engAi naitobira engop o indokitin poki natii atwa, olAitoriani le shumata engop, nemeton to hekalo oitobiraki to 'ngaik. Nemeisiai ingaik o 'ltuñgana, nemeiyau ai 'toki, amu ninye oisho poki engishon, o engiañget, o indokitin poki. Neitobira ninye iloshon poki o 'ltuñgana te nebo

metotona te shumata engop poki, neidipa atabai ingatitin enyena natulusoitie naitanapa oreshat o 'siaitin enyena. Ore loiñgoro engAi, neiñgoro airaperapo, naketum nemelakwaniki atwa iyok. Amu kinju, nikindoki apwoye, nikintoki aata engishon añg ti atwa ninye; anaa oltuñgani linyi oireta ingitanapat otejo, amu kira iyok poki eishoi enye.

Ilhebrania 4:13

Nemetii enaitobiraki poki nemeibela to 'ngonyek enyena; kaki meishopo iñdokitin poki neibalunyeiki to 'ngonyek enyena ninye iloata indokitin añg poki.

22 EMIOM OONTARASI TOO LEITU EIRUK ENKAI

Matayo 13:41, 42

Keireo enGerai o 'lTuŋani ilmalaika lenyena, naa keiturur aitaiyu ti atwa engarsisisho enye ingitadiat poki, oloas indorok. Anaŋgaki ninje olmoti le 'ngima; neako engishirata e 'onyoto o 'lala.

II. Petero 3:7

Kaki ore shumata natii taata ena 'gop, engima eitanyaki te ilo 'rorei aki, eripittoi metabaiki engoloŋ e 'ngigwana, neitaruori lelo 'tuŋana lemesai engAi.

Matayo 18:8

Naa ten aa engaina ana engejo ino nikintadiak, tuduŋgu, entorai, amu enare t'in ijiŋg embuan ira

engojine, ana iata ingumur, metiu anaa tin iata ingaiki pokirare, ana tin iata ingejek pokirare, nikinaŋgakini engima o indarasi.

Embolunoto 20:15

Naa ore oltungani leito etumi, etesiraki engarn enye te 'mbuku e 'mbuan, nenangakini olbalbal le 'ngima.

Matayo 25:46

Naa kepwo lelo osina to 'ndarasi, nepwo isupati engishon o indarasi.

Amu ore engoro e 'ngAi, eibalunyeki eiŋgwaa shumata meitamio ilemeruk o iltuŋana poki torok, oiboyo nekwa sepat to 'ndorok.

—Ilroman 1:18

Eiasat 17:31

Amu eata engoloñg, naigwenare engop to 'supati engaraki ele 'tuñgani oishorua; neishoo iltuñgana poki metaiyolo, atopiu ninye te 'ngāa.

II. Petero 2:9

Eiyolo olAitoriani atalako to 'ndemet enye lelo oiure neiteñgel iltorok o metabaiki engoloñg engigwana.

II. Ilkorinsio 5:10

Amu meata injere pe miki-ntashe iyok poki to 'lotiga le 'ngigwana e Kristo; neñgamaa poki indokitin nataasa to 'sesen lenye,

te 'risioroto ena nataasa, ten aa supat ana torono.

Ilhebrania 9:27

Kaki te 'risioroto o 'ltuñgana eishooki metua nabo 'kata, nesuju engigwana eitoki.

Ilroman 14:12

Neija naa etiu, injere eikeno poki 'tuñgani ororei lenye te dokoya engAi.

I. Johana 4:17

Te ele 'rorei etabaiye enyorata te iyok, pe kitum iyok empijan te 'ngoloñg e 'ngigwana; amu engaraki naa enatiu ninye, nikituu iyok neija te ena 'gop.

Ilroman 9:16

Inyoriki eme ilo oiyou makewan, neme elde okwet, kaki engAi nakordo oloiyou.

I. Petero 5:5b

... amu eany engAi iloauasa, neisho emunyani 'lobor.

II. Ilkorinsio 8:9

Amu iyololo endai emunyani o 'lAitoriani lañg Jesu Kristo, injere 'garsis ninye, kaki engaraki inyi pe etaa ninye aisinani pe iako-ko endai te 'ngarsisisho enye 'garsisi.

Ilroman 5:15

Kaki metii engishorunoto anaa enatiu idia 'gitaruoroto. Amu tenaa ketuata ilkumok engaraki

eñgoki e obo, nelusoo oliñg emunyani e 'ngAi, engishoroto ti atwa emunyani o 'ltuñgani obo, Jesu Kristo, natoponaiyoki engaraki o 'lkumok.

II. Ilkorinsio 9:15

Neishori engAi enashe te 'ngishorunoto enye nemeimakinoyo.

Eiasat 4:33

Neishori engolon sapok ilkipaareta te 'shakeni empiunoto engāa olAitoriani Jesu; nejiñg emunyani sapok atwa ninje poki.

Tito 3:7

Pe eikeniyok to 'supati enyena, pe kitum atujung te 'risioroto osiligi le 'ngishon nemeitiñg.

Eiasat 17:30

Ore idia 'kata mikiyolo neiken engAi engoñgu, kaki eitanapa il-tuñgana poki metejo mikintoki.

Luka 13:3

Ajoki endai, me neija; ten eito ijojo mikintoki, naitiuu sii endai anaa lelo aimin.

Eiasat 3:19

Entejo mikintoki nishukunyinyi pe ejuti iñgok inyi, pe itum aiyetu ingatitin eñgeda, naiñgwa engomom o 'lAitoriani.

Eiasat 2:38

Nejoki Petero ninje, entabal iñgok, ninjosh meibatisai endai te 'ngarna e Jesu Kristo, te 'mba-

lakinoto o 'ñgok, na itumutumu endai engishoroto o 'lTau 'Sinyati.

II. Ilkorinsio 7:10

Amu ore eserai naiyakine engAi eiyau eserai naitoriokino enjenuoto, kaki osina la 'ngop esiai engãa.

Matayo 3:2

Ejo, entejo mikintoki amu etinyikua engarsisisho e 'ngAi.

Luka 15:7

Ajoki endai neija sii etiu eñgeda te shumata ti obo oas iñgok oseraiya, te dokoya intomoni nau-do o nauo 'tuñgana supati, lemeiyau engisiraiyata o 'ñgok.

Matayo 6:14

Amu tin ipalakiki endai iltuŋgana indorok enye, naa kepalaki sii ninye endai Minyi linyi otii shumata.

Luka 24:47

Nelikini iloshon poki esirai o 'mbalakinoto o iŋgok, te 'ngarna enye, entaŋgas te Jerusalem.

Johana 8:11b

...nejoki Jesu ninye, maigwenare sii nanu; shumono, kaki mindoki aitaruo.

Embolunoto 3:20

Eñgorai aitashe te 'ngutuk 'aji aashiosh, ajo entaboluoki, naa teneniŋ oltuŋgani oltoilo lai, nebol

'gutuk 'aji, naa kalotu atwa; ainos te nebo ninye, neinos ninye te nebo nanu.

Eiasat 5:31

Na ninye eisisa, engAi te'ngain enye e 'tatene, olaiyoni lo 'laigwenani, na olatajeunoni, oisho eserai o 'ngop Israeli, o imbalakinoto o 'ŋgok.

Eiasat 13:38

Entaiyoloito kuna 'baa ti atwa endai, ilalashera laŋ injere te ele 'tuŋgani elikini endai te 'mbalakinoto o 'ngok.

Marko 2:5

Ore pe edol Jesu engirukoto enye, nejoki oltamuiiai, enGerai ai, eitauroki iŋgok inono.

Tito 2:11, 12

Amu supat engAi netaduaiye, neyau engitajeunoto lañg to 'ltuñgana poki. Neliki iyok, pe kiany indorok olimot engop, pe kitumi eñgeno nabaiya, te nebo isupati o esiai e 'ngAi ti atwa ena kata taata.

Kolosai 3:2

Entadamu oliñg natii shumata, ime natii engop.

Efeso 5:11

Nimisholarere idia 'siai enaimin nemeata ilñganayo supati, kaki enare tin ijurujuru ninje.

Jakobo 4:4

Endai lololoito, aimiyololo ajo ore oljore te 'ngop naa olmañga-

tinda le 'ngAi, ore elde oiyou neako oljore le 'ngop etaa olmañgatinda le 'ngAi.

I. Johana 2:15, 16

Eminyor engop, ana indokitin natii atwa engop. Ten enyor oltuñgani engop, nemetii enyorata e Papa atwa ninye. Amu ore indokitin natii engop, naa naitiship osesen, naitiship ingonyek, naa engisisa engishon e pesho, neme en e Papa, kaki en e 'ngop.

II. Timoteo 4:10'

Amu atuñgwaiye Dema, amu etonyora ninye imbaa e 'ngishon ena 'gop, neshumo Sesalonika; neshumo Kresio Galatia, neshumo Tito Dalamatia.

Johana 10:10

Melotu olaburoni, me te 'mpurore, o te 'narata, o te 'ngitaruroto; aeuo nanu pe etum ninje engishon, netum anoto esa-pok.

I. Johana 2:29

Tin iyololo endai injere supat ninye, niyololo endai injere ore poki 'ngai oas isupati etoiuoki te ninye.

II. Ilkorinsio 5:17

Naa ten etii poki 'tuŋani atwa Kristo, naa endoki eñgejuk ninye; etulusoitie indokitin musan; nea-ko indokitin poki eñgejuko.

I. Johana 5:18

Kiyolo iyok injere ore poki 'tuŋani otoiuku te 'ngAi nemeas iŋgok; ore ele otoiuku te 'ngAi nerip kewan, nemesahoro ninye oloirirua.

Johana 3:3

Neŋgamaa Jesu, nejoki esepa, esepa, ajoki iye, ten eito eini oltuŋani kat are, meidim ninye atadua engarsisisho e 'ngAi.

I. Petero 1:23

Netoiwoki endai aetoki, neme te 'mbeu naruoyo, kaki te nemeruoyo ti atwa ororei le 'ngAi, oishu nemeish indarasi.

Efeso 2:1, 6

Ore endai otuata eisho embuan, engaraki o 'ngitaruorot o 'ngok inyi; . . . Neitopiu iyok te nebo ninye, neitoton ninye iyok te nebo to 'wejitin e shumata ti atwa Kristo Jesu.

Kolosai 3:1

Ten eitopiuoki endai, te nebo Kristo, eñgoro to nekwa 'dokitin natii shumata, ten etonie Kristo te 'ngaina etatene e 'ngAi.

Ilgalatia 5:24

Kaki ore lelo oara le Kristo Jesu eidipa aililio iseseni te nebo ingwarat enyena 'torok o 'mbaa enyena.

I. Petero 2:24

Injere etanapa ninye makewan iñgok añg to 'sesen lenye te 'nshumata oljani pe kiāa iyok to 'ñgok, nikinju to 'supati; nikinju to 'oshot enyena.

Ilroman 6:2, 11

Te iyok otuata engaraki iñgok, kaji kiñgo tinikintoki atonie atwa? . . . Neija sii endai ingena aate, injere ituata to 'ñgok, ninjushu te 'ngAi, ti atwa Kristo Jesu.

Ore elde oata enGerai e 'ngAi, neata engishon nemeitiñg; ore elde lemeata enGerai e 'ngAi ne-meata engishon. —I. Johana 5:12

Ilgalatia 6:8

Amu ore elde oun to 'sesen lenye, neduñg ti atwa osesen ento-roni; ore oloun to 'lTau, neduñg ti atwa oltau engishon nemeitiñg.

Johana 3:14, 15

Anaa pe edumu Musa olasurai ti oñgota, nemeata injere eito edumuni enGerai o 'ltuñgani aiko neija. Kaki ore oloiruk poki nemeimin, naa ketum engishon nemeitiñg.

Johana 17:3

Naa ena engishon nemeitiñg, neketaiyoloito ninje iye injere iye aki engAi nasepa, nairiwa Jesu Kristo.

Johana 3:36

Oloiruk enGerai neata engishon nemeitiñg; ore olemeruk enGerai nemedol engishon; kaki engoro e 'ngAi naton te shumata ninye.

Ilroman 6:23

Amu ore olmushara lo 'ñgok naa engãa; kaki ore engishorunoto e 'ngAi, engishon nemeitiñg ti atwa Kristo Jesu, olAitoriani lañg.

Johana 5:24

Esepa, esepe, ajoki oloniñg ororei lai, neiruk elde lairiwaa, eata engishon nemeitiñg, kaki mejiñg atwa engigwana; kaki eidipa atupuku ti atwa engaa atejiñga atwa embuan.

Ilgalatia 4:6

Amu irara endai ingera, neiri-waa engAi olTau le 'nGerai enye, metejiñga iltauja linyi ninjireshire aajo, E, Abba, Papa.

Johana 14:21

Ore oloata ingitanapat ainei, neibuñg ninje, ninye lanyor; ore olanyor nanu nenyoru Papa, nanyoru sii nanu ninye, naa kaboloki nanu kewan ninye.

Ilroman 8:16

Oltau makewan oako shakeni te nebo iltauja lañg, injere kira iyok ingera e 'ngAi.

I. Johana 3:18, 19

Nagera ainai kutiti, emikinyor to 'rorei, ana to 'lñgejep aki; kaki

te 'ngitabaroto, o to 'sepat. Engaraki ele 'rorei kiyolo iyok injere kisholare kuna 'sepat, neiteship iltauja lañg te dokoya ninye.

I. Johana 4:13

Te ele 'rorei kiyolo injere, ketii iyok atwa ninye, netii ninye atwa iyok, amu eishoo ninye iyok olTau lenye.

I. Johana 5:11

Naa ena shakeni injere, eishoo iyok engAi engishon nemeitiñg, ore ena 'gishon ti atwa enGerai enye.

I. Johana 2:3

Te ele 'rorei kiyolo ninye injere kitii atwa ninye, tin ikimbuñg iyok ingitanapat enyena.

32 ETII ENCHIPAI E KRISTOS TENEBO IYIOOK

Johana 17:13

Aeuo taata nanu enitii; natalikia kuna 'baa te 'ngop pe etum anoto eñgeda ai neboreyu ti atwa ninje.

Ilroman 14:17

Amu eme ingenosata, ana eokoto engarsisho e 'ngAi, kaki esupatisho o sotua, eñgeda ti atwa olTau 'Sinyati.

Ilgalatia 2:20

Aililioki nanu te nebo Kristo, ore engishui naishu, me nanu kewan, kaki ninye Kristo, oishu ti atwa nanu, ore engishui naishu ti atwa osesen, aishu te 'ngirukoto enGerai e 'ngAi lanyor nanu, neitaiyo kewan engaraki nanu.

I. Petero 1:8

Injere eito idolidolo endai, nito-nyora; injere imidolidolo taata, niruko ninye, niñgedada oliñg te nebo eñgeda nemelio nabore engisisa e' ngAi.

Johana 15:11

Atolikio endai kuna 'dokitin, pe eton eñgeda ai ti atwa endai, neboreyu eñgeda inyi.

Johana 16:22, 24

Kaki iatata endai taata osina; kaki kaitoki adol endai, neñgeda iltauja linyi, nemetii oltuñgani ooru endai eñgeda inyi. . . . Neton eito inkilikwanono 'toki te 'ngarn ai; entomonu, pe eishori endai, pe eboreyu eñgeda inyi.

Ilroman 2:13

(Amu eme ilaniṅgok eitisinye te 'dokoya engAi, kaki lekwa oas ingitanapat eiken i ajo supati).

Ilroman 6:16

Aimiyololo injere, ore ninye ilo lentaa endai aate isingan lenyena nirukuruku, irara isingan lenyena ninye oliruko; ana injere irara isingan lo 'ṅgok obaiki engāa, ana injere irara isingan oiruk obaike engishon?

II. Sesaloniki 1:7-9

Ore te 'ndai oinyalaki naa eṅgeba te nebo iyok, ten eboluni olAitoriani Jesu e'ṅgwaa shu-

mata te nebo ilmalaika lenyena ogol. Ti atwa olṅgejep le 'ngima, nelaki erisoroto e lelo lemeiyolo engAi, o lelo lemeiruk ororei 'supat lo 'lAitoriani laṅ Jesu Kri-sto: Oitamei te 'ngitamio to o 'ndaras eiṅgwaa 'dokoya olAitoriani, neiṅgwaa engisisa engolon enye; Ten elotu meisisi to sinyat lenyena, neiṅgasiai ti atwa lelo poki oiruko (engaraki ororei laṅ leruko) idia 'oloṅ.

Embolunoto 22:14

Emaiyana iloituokuoki ingelani enye naado, pe etum enabaikinyie ilo 'shani le 'mbuan, nejing te 'ngishomi nabaiki engang.

Afilipi 2:11

O poki 'ñgejep neibalunye injere Jesu Kristo olAitoriani te 'ngisisa engAi Papa.

Matayo 10:32, 33

Amu ore poki lanyoraa nanu te dokoya iltuñgana, naa kanyoraa nanu sii ninye te dokoya Papa lai otii shumata. Ore poki lamiki te dokoya iltuñgana, na kamiki sii nanu ninye te dokoya Papa lai otii shumata.

Ilroman 10:9, 10

Amu ten aa aimbalunye Jesu te 'ngutuk ino, injere ninye olAitoriani, niruk to 'ltau, injere eitopiu engAi ninye aituñgaa engãa, ni-

jeu. Amu to 'ltau eiruk oltuñgani nebaiki isupati, neibalunye te 'ngutuk nebaiki enjeunoto.

I. Johana 2:23

Ore poki añgai oany enGerai, netanya Menye: Ore elde oibalunye enGerai neata sii Menye.

Luka 9:26

Amu ore oloinosanyit te nanu o to 'lomon lainai, netokoro ninye enGerai o 'ltuñgani, ten elotu te 'ngolon enye, o en e menye, o en o malaika lenyena 'sinyat.

I Johana 4:2

Te ele 'rorei iyolouu endai olTau le 'ngAi; ore poki 'tau oibalunye injere euo Jesu Kristo to 'sesen ninye ol e 'ngAi.

I. Petero 5:8

Enoto eñgeno, ninteñgenuonuo; amu olruñgatinda linyi, Shetani, otiu anaa olñgatuny oiopeyopari, aiñgoro, oloinos.

II. Sesaloniki 2:9

Naa ninye, olotu asujo esiai olairirua, te nebo engolon poki o 'ngitaduat, o 'neñgeñgasia elejare.

Efeso 6:11

Enjopo inareta nabaya engAi, pe indimidimi aitesheito airesha ingolot e Shetani.

Matayo 4:1, 10, 11

Ore ina kata nerik Jesu olTau oñgota netetema Shetani. . . . Ne-joki Jesu ninye, shumo tungwaio-ki oloirirua, amı etesiraki,

toomono olAitoriani engAi ino, naa ninye aki openy isiai. Nei-ñgwaa oloirirua ninye, nepwonu nabo kata ilmalaika aisai ninye.

II. Ilkorinsio 10:4

(Amu ore masaa añg enara me en o 'sesen, kaki en e 'ngolon ti atwa engAi nayetu aitadou eweji negol).

Eiasat 26:18

Tabolo ingonyek enye, nimbelegeny ninje metuñgwai enaimin, aiñgor ewañgan, neiñgwaa ingitanapat e Shetani aiñgor engAi, netum embalakinoto o 'ñgok, o enjuñgoto ti atwa lelo poki oitukuo-ki te 'ngirukoto ai.

II. Sesaloniki 2:8

Naa ten eboluni elde torono, oar olAitoriani te 'ntoma engutuk enye, neitaruo te 'wañgan elotunoto enye.

Jakobo 4:7, 8a

Entoniñg engAi. Nianyiyanya oloirirua naa keipiri ninye ailañg endai. Entinyikaki endai engAi, pe enyikaki sii ninye endai.

Ilroman 8:35, 37

Ainyo naorie iyok enyorata e Kristo? ko 'sina ana ke 'mion, ana ke 'nginyiala, ana ko 'lameyu ana tin imikinjopo, ana ke netolo, ana ko 'lalem? . . . Kaki kimir te nena poki alusoo te ninye otonyora iyok.

II. Ilkorinsio 10:4

(Amu ore masaa añg enara me en o 'sesen, kaki en e 'ngolon ti atwa engAi nayetu aitadou eweji negol).

I. Johana 3:8

Ore elde oas iñgok naa ol e Shetani; amu eas Shetani iñgok apa te 'ngiterunoto. Engaraki e ina pe etaboluoki enGerai e'ngAi, pe eitaruo isiatin e Shetani.

Ilhebrania 2:14

Ore nena 'ngera etaa natusholare osarge o ingiri, naa neija sii etotiuo ninye, eata olturur te nena; pe aa ore ti atwa engãa netuno aitaruoi elde oata engolon engãa naa ninye Shetani.

I. Johana 4:20

Ten etii oltuñgani ojo, kanyor engAi, neiba olalashhe lenye, olalajani ninye; amu ore olemenyor olalashhe odolita, kaji eiko ten enyor engAi neito edol?

I. Ilkorinsio 13:1

Ten aa kairo to 'Ingejep lo 'ltuñgana, ana ol o 'lmalaika, nemeata enyorata, atiu anaa isegeenge naru, nemedamu enajo.

Ilgalatia 5:22, 23a

Kaki ore ilñganayo lo 'ITau enyorata o eñgeda, o osotua, o engiriata, o engitobirata o 'mbaa, o esupatisho, o engirukoto, O emboron, o engiboroto

Johana 13:35

Te ina eiyolou iltuñgana poki injere irara ilkiripaareta lainei, tin inyorunono endai ti atwa.

I. Johana 3:14

Nikiyolou iyok injere, kindipa atulusoi atupuku te 'ngāa, ajiñg embuan, engaraki nikinyor iyok ilalashera. Ore elde lemenyor olalashhe lenye neton ti atwa engāa.

Johana 21:16

Neitoki ajoki ninye kat are, Simon engerai e Jonas aa ikinyor iye nanu? Nejoki ninye ninye, Ee olAitoriani; Iyolo iye ajo kanyor. Nejoki ninye irita indare ainei.

Eiasat 10:39-41

Nikira iyok 'shakeni le nena 'baa poki natasa ninye ti' atwa engop e Yahudi, o ti atwa Jerusalem; na ninye olotara neeki te shumata oljani. Neitopiuo ninye engAi te 'ngoloŋ e unı neitalio aitaduaiya. Kaki me to 'ltuŋgana poki, kaki te 'shakeni otaŋgasa engAi agelo, naa iyok oinosa, nikiok te nebo ninye eidipa atopiu atwuŋgwai engãa.

Johana 20:26-28

Ore pe eidipaiyu ingoloŋgi isiet, neitoki ilkipaareta asoto te 'ngaji netii Tomas te nebo ninje, nelotu, Jesu, eikeno ngutuk 'aji neitashe te 'mbolos, nejoki metijiŋga

osotua atwa endai. Nejoki ninye Tomas, intorioi olgimojino lino, iŋgorai ingaik ainei intorio ingaik inono, tipika ematwa ai; kaki miako oloŋgor engirukoto aki iruko. Neŋgamaa Tomas, ajoki ninye, olAitoriani ai, na engAi ai.

Ilroman 4:25

Injere aitaiyoki ninye metaa olasar lo 'ngok aŋg, neitopiuoki ninye pe eikeni iyok injere kiata supati.

Marko 16:9

Ore enapiunye to 'lotuata te 'ngoloŋ e Sebato tadegenya, na Maria Magidali, naitaikia iloiri-ruani obishana, naitera adol.

Matayo 16:21

Neŋgas Jesu te ina kata aitadol ilkipaareta lenyena, injere meata kata nemelo Jerusalem, neinyiali to 'mbaa kumok olapolosak o ilasirak near metua, nepiu te 'ngoloŋ e uni.

Ilroman 6:3-5

Ai miyololo ajo ore iyok erisiroto aŋg, iloibatisaki nepiki atwa Jesu Kristo, eibatisaki iyok o matabaiki engāa enye? Kaki etonukayoki iyok te nebo ninye to 'regie le idia kibatisata metabaike e engāa: Anaa injere pe etopiuni Jesu aituŋg waa engāa te 'ngisisa e Papa, neija sii iyok emabeiye

atwa eŋgejuko engishon. Amu tenaa kimbuŋgare iyok ninye ti atwa engitanyanyukoto engāa enye, naa neija sii kituu aibuŋgare te engitanyanyukoto empiunoto enye.

Johana 5:25, 28, 29

Esepa, esepe, ajoki, kelotu engata, neidipa aeuo, naniŋgie ilotuata oltoilo le 'nGeraj e 'ngAi; ore pe eidip atoniŋ nepiu atum engishon. . . . Emeŋgasia te kuna; amu kelotu engata, naniŋg ilotii ingumot oltoilo lenye. Neipuŋgoki oŋgota; ore ilotasa isupati, neitopiuni te 'ngishon, ore ilotasa indorok, neitopiuni te 'ngigwana.

40 ESINYATISHO TO LAITORIANI

Luka 1:74, 75

Injere eisho iyok nelakuni iyok to 'ngaik o 'lmañgati lañg ogol nikisiai ninye mikiuresho. Te 'sinyatisho o supati te dokoya ninye, to 'ngoloñgi poki engishon añg.

II. Ilkorinsio 7:1

Amu kiata kuna 'gitanapat, ilanyor lainai, maitobira atwa aate to 'loiririo poki lo 'sesen o lo 'ltau, nikintabaiya esinyatisho te iuriata e 'ngAi.

I. Petero 1:2

Te 'risioroto eiyolounoto e 'dokoya engAi Papa, ti atwa engitukuoto olTau, metabaiki engirukoto o engisuakinoto osarge le

Jesu Kristo; Emunyani metejina te nebo endai, o osotua metoponare.

II. Timoteo 2:21

Kaki oltuñgani ten eitobir kewan ti atwa kuna 'baa, neako endokinatum enganyit ena eitobiraki neidipaki aisiaishori olAitoriani neitobir te 'siai poki 'supat.

I. Petero 1:15

Kaki anaa ilo oiboto endai aa 'sinyati, entaa sii endai sinyat to 'mbaa poki engishon inyi.

Amu ore kuna 'dokitin poki keboluni aikuno neija, enare endai nirara iltuñgana oikunono aja ti atwa ilotot poki esinyatisho euriata e ngAi. —II. Petero 3:11

ESINYATISHO TO LAITORIANI

41

Ilhebrania 12:14

Eñgoro osotua to 'ltuñgana poki, niñgororo ina 'sinyatisho, naa injere ten emeata oltuñgani ten elau ina, nemedol olAitoriani.

Ilhebrania 13:12

Engaraki e ina sii ninye Jesu, pe eituku lelo 'tuñgana opwonu enetii ninye ti atwa osarge lenye, ninye onoto osina te 'dokoya gishomi.

I. Johana 1:9

Tin ikilimu iyok iñgok, añg, neitabaiya ninye naa supat, nepalaki iyok iñgok añg, neisuj iyok matuñgwai poki nemesinya.

Matayo 3:11

Esepa aibatisa nanu endai te engare elimunoto o 'ñgok, kaki ore olasujita negol alañg nanu, lemaidim atanapa enamuga enyena, naa ninye oibatisa endai to 'lTau Sinyati o te 'ngima.

Efeso 1:4

Anaa pe egelo ninye iyok te dokoya engiterunoto e ngop, pe kiako iyok isinyat nimikiata endioto te 'dokoya ninye ti atua enyorata enye.

Efeso 4:24

Ninjopishopo endai oltuñgani 'ñgejuk, nesuj engAi naitobira ti atwa isupati o te sepat nasinya.

Luka 11:13

Ai tin iyololo endai, iltorok, aishoo ingera inyi indokitin sidan; kebaa engishoroto naisho Minyi otii keper lelo oomon to 'lTau Sinyati?

Eiasat 1:8a

Kaki aa itumutumu engolon olTau 'Sinyati, olotu shumata endai niakoko endai shakeni lai

Eiasat 4:31

Ore pe eidip atoomon, neikirikira eweji neitururori; neiput ninje poki olTau 'Sinyati; neuro ororei le 'ngAi meurisho.

Eiasat 7:55

Ore pe ejiñg ninye olTau 'Sinyati, nekoraki ingonyek ai-

ñgor shumata, nedol engisisa e 'ngAi, nedol Jesu eitashe te 'ngaina e 'tatene e 'ngAi.

Eiasat 11:24

Amu oltuñgani supat ninye, nebore olTau 'Sinyati o engirukoto: Neponari iltuñgana kumok te'ngalo olAitoriani.

Eiasat 13:52

Neiput ilkipaareta eñgeda, te nebo olTau 'Sinyati.

Ilroman 8:9

Kaki mirara endai il o 'sesen, kaki irara il o 'lTau, ten aa keton olTau le 'ngAi ti atwa endai. Kaki ten emeata oltuñgani olTau le Kristo, neme olenye katugul.

Marko 9:23

Nejoki Jesu, Ken e 'nyo, tin indim! Eidimayu ilimot poki to 'loiruk.

Matayo 6:33

Kaki entaŋgas eiŋgoro engar-sisisho e 'ngAi, o supati enyena, amu keponikini endai nena 'dokitin poki.

I. Petero 4:12, 13

Ilanyor lainai, emijo komoni endemata nairiwaa natem endai, nalotu shumata endai ajur endai, anaa kentoki ingejuk natabaikia endai: Kaki engaraki nitosholare osina le Kristo, entiŋgedata; pe

ore te 'mbolunoto engisisa enye, nitumutumu endai atiŋgedata te 'ŋgeda sapok.

Embolunoto 21:4

Naa kejut ninye poki 'kiyoi to 'ngonyek enye, nemeitoki atii engāa, ana osina, ana engishirata, ana emion, amu etulusoitie indokitin e dokoya.

Matayo 28:20b

Natii nanu te nebo endai ingatitin poki metabao engitiŋgoto e 'ngop. Esai.

Ilhebrania 12:7

Engaraki natushukokinoteki endai anaa engerai, amu kaa 'gerai meshukokino menye?

Ilhebrania 2:18

Amu enoto ninye emion makewan netetemaki neidim ninye atareto lelo otemi.

Ilroman 16:20

Naa engAi o 'sotua naar Satani to 'ngejek inyi asioki taata. Metejinga emunyani o 'lAitoriani te nebo endai.

II. Ilkorinsio 4:17

Amu ore osina lañg na kelelek ol engiti 'kata neitulusoo oliñg olola le 'ngisisa lo 'ndaras.

I. Ilkorinsio 10:13

Eito endai itumutumu intemat, nemeidim iltuñgana atiñgiria; kaki eata engAi engirukoto ne-

meisho endai, entamieto metetemi to 'nimindimaa; kaki te nebo nena 'temat keako engoitoi enjenuoto, pe itumutumu engolon engiriata.

Jakobo 1:12

Emaiñana oltuñgani oñgere to 'ntemat; amu ore pe eidipi atetem, netum ninye engovia engigwana embuan, natejo olAitoriani te lelo oiruk ninye.

Ilroman 8:28

Nikiyolo iyok aajo ore te lelo poki onyor engAi, neasisho indokitin poki te nebo supati, naa lelo oibotoki te 'risioroto esiai enye.

Embolunoto 21:7

Ore elde ongere amir, nejung kuna 'baa; naako nanu engAi enye, neako inye engerai ai.

Embolunoto 2:7

Ore elde oata ingiya, neniñg enajoki olTau nena 'kanisani; ore elde omir naisho ninye meinosa, ilñganaiyo le 'mbuan, otii atwa engiyeñgeyeñgata e 'ngAi.

Embolunoto 3:12

Ore elde oñgere amir, naitaa ninye eñgape e 'ngaji e 'ngAi ai, nemetoki ninye apuku katagul, naa kasir nanu shumata ninye ina 'arna e 'ngAi ai, na engarna e 'ngang e 'ngAi, o ina Jerusalem

eñgejuk, nadou aiñgwaa shumata e 'ngAi, naa kasir nanu shumata ninye ina 'arna ai makewan eñgejuk.

Embolunoto 3:5

Ore elde oñgere amir, neishopokini ingelani naibor, nemajut nanu katukul engarna enye, te 'mbuku e 'mbuana. Naa kaibolunye nanu engarna enye te dokoya. Papai, o te dokoya ilmalaika lenyena.

Embolunoto 3:21

Ore elde oñgere amir, naa kaisho ninye metotona te nebo nanu to 'loriga lai le 'ngigwana, anaa pe amir nanu, amir naton to 'loriga le Papai le ngigwana.

46 EIRORIE IYIOOK ENKAI TEORO ENKIAMA

Luka 16:18

Ore oloitoraa engitok enye, neiyam ai, etoloitoraa; ore oloiyam enda naitoraiyoki olmuruo lenye, netololoite.

I. Ilkorinsio 7:10, 11, 39

Ore lekwa oiyamishoti naitanap, kaki me nanu, kaki olAitoriani, meiñgwaa engitok olmoruo lenye. Kaki, ten eiñgwaa, neton aa oliai, anaa eitoki atumo olmoruo lenye; nemeiñgwaa olmoruo engitok enye. . . . Eiboki engitok eton eishu olmuruo lenye; kaki ten aa olmuruo neishori meiyama elde oiyau; ti atwa olAitoriani ake.

Ilroman 7:2, 3

Amu ore engitok naata olmoruo, etâna ingitanapat, eton eishu olmoruo lenye; ore pe eâa olmoruo netalakuaki to 'ngitanapata o 'l moruo. Na ten eiyam lekai 'moruo eton eishu olmoruo lenye, neji ketololoite, na ten eâa olmoruo netupukuo le ina 'gitanapata, neito eloloito, o ten aa keiyama lekai 'moruo.

Matayo 5:32

Kaki ajoki endai, ore oloitoraa engitok enye, ten eme engaraki eloloito, etepika ninye atwa eloloito, ore oloiyam ena naitorayoki netololoite ninye.

Johana 14:3

Ore pe aidip nanu aitobiraki endai eweji, naa kaitoki ashukunye, aṅgamaa endai makewan; ore ena-tii, naa ine itii sii endai.

Embolunoto 3:11

Kalotu asioki, imbuṅga to 'ko-raki ina niata pe meako keya lekai tuṅgani engovia ino e 'ngigwana.

Matayo 24:30

Nelioyu ina kata ineṅgeṅgasia enGerai o 'ltuṅgani te shumata, nejiṅ ina 'oloṅ ingiputukuny il-oshon poki le 'ngop, naa kedol enGerai o 'ltuṅgani elotu to 'ngatamboi e shumata, te 'ngolon o engisisa sapok.

Jakobo 5:8

Entingiria sii endai; nintashe-yeye iltauja linyi; amu etinyikwa elotunoto o 'lAitoriani.

Matayo 24:27

Amu etii anaa engiwangata e 'ngAi naiwaṅ ten eilepunye engoloṅ, nebaiki enedoyorie nei-ja etiu ten elotu enGerai o 'ltuṅgani.

Marko 8:38

Amu, itadua, oloibuṅ olaro te nanu o to 'rorei lainei te ele 'poror e 'ngiopo o iṅgok neibuṅ enGerai o 'ltuṅgani olaro te ninye, ten elotu te 'ngisisa e Menye eboitare ilmalaika o isinyat le 'ngAi.

I. Johana 3:2

Ilanyor lainai, kira iyok taata ingera e 'ngAi, kaki eton eito eibalunyieki enikitiu; kaki kiyolo injere, ten elotu ninye, nikituu iyok anaa ninye; amu kidol iyok ninye enaikunono.

Embolunoto 16:15

Eñgorai, kalotu anaa ola buroni, Emaiñana elde oiteñgenuo, nei-teñgel ingelani enyena, pe melo meishopo nedoli engorona enye.

Eiasat 1:11

Najoki, endai iltuñgana le Galilaya, ainyo pe indasheshe aiñgor shumata? Ele ninye Jesu owaki aituñgwaa endai aiya shumata,

keshukunye aikunonye inji anaa enitaduaite eshumo shumata.

Matayo 16:27

Amu kelotu enGerai o 'ltuñgani te 'ngisisa e Menye te nebo il-malaika lenyena, naa kelaaki ena kata poki tuñgani te risioroto e 'siai enye.

Luka 21:27

Na kedol ninje enGerai o 'ltuñgani elotu ti atwa engatamboi te nebo engolon o engisisa sapok.

Luka 12:40

Enteñgenuoto sii endai; amu elotu enGerai o 'ltuñgani engata nimimusumusu.

OROREI LE NKAI

Luka 21:33

Eishari shumata o engop; kaki meishari ororei lai.

Matayo 22:29

Neŋgamaa Jesu, ajoki ninje, einān te 'ndai, amu engaraki ni-miyoiolo ilkigerot ana engolon e 'ngAi.

Johana 6:63

Kaki oltau otun engishon: ne-meata osesen 'tepat; ororei lato-likio endai, ninye oltau, naa ni-nye engishon.

II. Petere 1:21

Amu metii engidettedet te poki 'weji nayawake te 'nyorata o

'ltuŋgana; kake iltuŋgana oiroro ororei oiŋgwaa engAi, oitadol olTau 'Sinyati.

II. Timoteo 3:16

Ororei to 'lkigerot poki oi-ŋgwaa engAi eata 'shonet, te 'nalikiori, neitadol ingitaruroto, neshuku eŋgejuko neliki kaa eas to 'supat.

IIhebrania 4:12

Amu eishu ororei le 'ngAi, neitoki ataa engolon, neitoki api alaŋg olalem opi imbat pokirari, nerem neor engishui oltau, o 'robat o 'ndolo nelelek te 'yolou-noto o endamunoto oltau.

Text from the New Testament in Maasai © United Bible Societies, Africa Regional Centre, Nairobi, Kenya. Used by permission.

Published in numerous languages by World Missionary Press as God supplies funds in answer to prayer. If you would like more copies for careful distribution, please write in English to:

**World Missionary Press, Inc.
P.O. Box 120
New Paris, Indiana 46553-0120 USA**

Kenya

Tanzania

MET